

**UPA2024/75: Namminersorreq pillugu Inatsimmi § 21-p atuutsilersinnejarnissaa
siunertaralugu ataatsimiititaliamik pilersitsisoqarnissaanik Naalakkersuisut
peqqunejarnissaannik Inatsisartut aalajangiiffigisassaattut siunnersuut
*Kuno Fenckerimit saqqummiunneqartoq***

**UPA2024/123: Inatsisartunut qinersinissamut atatillugu Naalagaaffinngornissaq pillugu
isumasiuilluni innuttaasut taasitinneqarnissaannik Naalakkersuisut peqqunejarnissaat
pillugu Inatsisartut aalajangiiffigisassaattut siunnersuut**

Aqqalu C. Jerimiassenimit saqqummiunneqartoq

pillugit

Inatsisinut Ataatsimiititaliap

siunnersuutit aappassaaneerneqarnerannut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq
 Inatsisartunut ilaasortaq Mette Arqe-Hammeken, Naleraq
 Inatsisartunut ilaasortaq Harald Bianco, Inuit Ataqatigiit
 Inatsisartunut ilaasortaq Asii Chemnitz Narup, Inuit Ataqatigiit
 Inatsisartunut ilaasortaq Kuno Fencker, Siumut

UPA2024-mi ulloq 24. april siullermeerinninnerup kingorna ataatsimiititaliap inatsisissatut siunnersuutit misissorpai.

Siunnersuutit imarisaat siunertaallu

Immikkoortoq 75 aamma 123 Kalaallit Nunaanni tunngaviusumik inatsimmut tunngatillugu pissutsinut tamanut attuumassuteqarput, taamaattumillu tulliuttuni ataatsimoortillugit suliarineqarlutik.

UPA2024/75

Kalaallit Nunaanni Namminersorreq pillugu inatsit nr. 473, 12. juni 2009-meersoq tunngavigalugu Namminersorlutik Oqartussat ulloq 21. juni 2009-mi eqqunnejarpit.

Inatsimmi tassani § 21 Kalaallit Nunaata namminiilivinnissamut ammaanneqarnissaanut tunngassuteqarpoq imatullu oqaasertaqarluni:

§ 21. Kalaallit Nunaata namminiilivinnissaanik aalajangerneq inuiaat kalaallit aalajangernerannik unngaveqassaaq.

Imm. 2. Imm. 1-imik pineqartutut ittumik aalajangiisoqarpat Kalaallit Nunaata namminiilivinnissaa piviusunngortinniarlugu Naalakkersuisut aamma Danmarkimi naalakkersuisut akornanni isumaqatigiinniarerit aallartinneqassapput.

Imm. 3. Naalakkersuisut Danmarkimilu naalakkersuisut Kalaallit Nunaata namminiilivinnissaata piviusunngortinnissaanik isumaqatigiissutaat pissaaq Inatsisartut akuersinerannik tunngaveqartumik aamma Kalaallit Nunaanni innuttaasunik taasisitsinikkut akuerineqassalluni. Aammattaaq taamatut isumaqatigiissuteqarneq Folketingip akuersineratigut pissaaq.

Imm. 4. Kalaallit Nunaata namminiilivinnerata kingunerissavaa Kalaallit Nunaata imminut naalagaaffittut oqartussaaffigilernera.

Taamaalilluni aalajangersakkap tamatuma atorneqarnissaa siunertaralugu Naalakkersuisut ataatsimiititaliamik pilersitseqqullugit peqquneqarnissaat Inatsisartut aalajangiiffigisassaanni matumani siunniunneqarpoq.

UPA2024/123

Namminiilivinnissaq naalagaaffinngornissarlu pisortatigoortumik oqallinnermi uteqqiatumik sammineqartarput.

Inatsisartut aalajangiiffigisassaattut siunnersuummi matumani innuttaasut isumasiuilluni taasisinneqarnissaat siunniunneqarpoq, tamannalu aningaasaqarnermik pissuteqartumik Inatsisartunut tullianik qinersinissamut atatillugu ingerlanneqassasoq siunnersuutigineqarloni.

Taasissutissatut siunnersuutigineqarpoq: Nunarput Naalagaaffinngussava?

Inernerelu kingornatigut nunatta siunissami pisortatigoortumik anguniagassatut tikkuussisorissavaa.

Innuttaasunik taasisitsineq tamat oqartussaaqataanerisa tungaanit isigalugu periutsitut naleqqututut isigineqarpoq, taasisinnaatitaasut tamarmik isummaminnik takutitsinissaminnt taamaalillutik periarfissaqassammata.

Namminiilivinnissaq pillugu apeqquut taamaalilluni paasisaqarfingineqarpat innuttaasut ataatsimoorlutik taasisitsinerup inernerla naapertorlugu inuiaqatigiinnik ineriartortitseqqinnissamut periarfissaqalissasut siunnersuuteqartup ilimagaa.

Aammattaaq innuttaasunik taasisitsinerup kingorna pissutsit arlalippassuit pingaarnersiussallugit pisariaqartinneqartut iliuuseqarfingeqarnissaannut periarfissat aamma pitsaanerulissasut siunnersuuteqartup ilimagaa.

Siunnersuutit Inatsisartunit siullermeerneqarnerat

Suliap ullumi Naalakkersuisut Naalagaaffinngornissamut Immikoortortaanni ingerlanneqartup aammalu aalajangiiffigisassatut siunnersuutit marluusut nr. 75 aamma 123-p akornanni tunngaviusumik aporaaffeqanngitsoq Naalakkersuisut paassisutissiippuit. Ikittunnguanik imminnut qalleraaffeqarsinnaavoq, taamaattumillu sulianut assigiinngitsunut paatsiveerusimaarsinnaanerup pinngitsoortinnissaa pingaaruteqarpoq. Taamaattumillu aalajangiiffigisassatut siunnersummut nr 75-imut ima nipilimmik Naalakkersuisut allannguutissatut siunnersuuteqarput:

Namminersorreq pillugu inatsisip §21-ata atuutsilersissinnaanera pillugu inatsisit tunngaviat pillugu nalunaarusioqqullugit, tassanilu aalajangersakkap immikkoortuisa tulleriaarnerisa ersarissarluarnissaat ilanngullugu, Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsisit tunngaviat pillugu nalunaarusiornermi Inatsit tunngaviusussatut missiliut suliarinninnermut ilanngullugu isiginiarneqassaaq. Nalunaarusiaq kingusinnerpaamik Inatsisartut 2024-mi ukiaanerani ataatsimiinneranni agguaanneqassaaq.

Aammattaaq Naalakkersuisunit oqaatigineqarpoq innuttaasunik taasititsinissap Inatsisartunut qinersinerup nalinginnaasumik ingerlanneranut ilanngunneqarsinnaanera aalajangiiffigisassatut siunnersummi nr. 123-mi oqariartutigineqartoq. Tamanna Naalakkersuisunit tunngaviusumik akerlerineqanngilaq, taamaattorli isummat akerliusut isumaqataasullu, qulequttallu pingaarutilit allat Inatsisartunut qinersinissamut akornusersuutaasinnaasut pinaveersaartinnissaat pillugit Inatsisinut Ataatsimiititaliamut eqqarsaatigilluarneqaqqaartariaqarput. Aammattaaq naalagaaffinngornissamut Inatsisartunut qinersinissamut nalinginnaasumut, qinersinissap nalunaarutigneranit sapaatip akunnialuinnaanik piffissaqarluni ingerlanneqarsinnaasumi tunngaviusumik innuttaasunik taasititsinissamut oqallinnissamut paasititsiniaanermullu innuttaasut piffissamik naammattumik tunineqarnersut isumalitigineqartariaqarpoq.

Naalakkersuisut ilanngullugu oqaatigaat naalagaaffinngornissamut innuttaasunik taasititsinermi kikkut taasisinnaatitaassanersut eqqarsaatigissallugu pingaaruteqartoq. Nunatta namminiilivinnissaanut naalagaaffinngornissamullu innuttaasunik tunngaviusumik taasisitsineq Inatsisartunut nalinginnaasumik qinersinermut sanilliulluni mianernarnerujussuuvoq. Uani taasisinnaasut nalunaarsorneri annertussusaat, sumi najugaqarnermi piumasaqaatit sakkortunerusut, nunamut innuttaasuinullu

pingaaruteqarneranik tunngaveqartumik, tassa imaappoq qinersisinnaasunik piumasaqaatillu nunarsuarmioqatigiinni naalagaaffiup innuttaasunut pisussaaffiinut nalinginnaasumik periuserisartagaat akuerisat atorneqassapput.

Taamaattumik Inatsisinut Ataatsimiititaliap qulaani oqaatigineqartut inatsisitigut misissuinissami oqaasertaliussat ilaneqassanersut eqqarsaatigisariaqarpaa:

Kalaallit Nunaata namminiilivinnissaanut naalagaaffinngornissaanullu apeqqummi tunngaviusumik innuttaasunik taasititsinissami sinaakkutissat ilanngullugit nalunaarusiam i lanngunneqassapput.

Taamaalilluni aalajangiiffigisassatut siunnersuut tamarmiusoq ima nipeqalissaaq:

Namminersorreq pillugu inatsisip § 21-ata atuutsilersissinnaanera pillugu inatsisit tunngaviat pillugu nalunaarusioqqullugit, tassanilu aalajangersakkap immikkoortuisa tulleriaarnerisa ersarissarlurnissaat ilanngullugu, Naalakkersuisut peqquneqarnissaannik Inatsisartut aalajangiiffigisassaattut siunnersuut. Inatsisit tunngaviat pillugu nalunaarusiornermi Inatsit tunngaviusussatut missiliut suliarinninnermut ilanngullugu isigniarneqassaaq. Kalaallit Nunaata namminiilivinnissaanut naalagaaffinngornissaanullu apeqqummi tunngaviusumik innuttaasunik taasititsinissami sinaakkutissat ilanngullugit nalunaarusiam i lanngunneqassapput. Nalunaarusiaq kingusinnerpaamik Inatsisartut 2024-mi ukiaanerani ataatsimiinneranni agguaanneqassaaq.

Partiit akornanni isummat assigiinngillat. Ilaasa aalajangiiffigisassatut siunnersuut nr. 75 taperserpaat, allallu aalajangiiffigisassatut siunnersuut nr. 123 taperserlugu. Aammattaaq Naalakkersuisut allannguutissatut siunnersuutaat taperserneqarpoq. Kiisalu innuttaasunik isumasiuilluni taasisitsisoqarnissaa partiit ilaannit taperserneqarlunilu ataatsimiititaliamik naalagaaffinngornissamullu periarfissanut allanut takussutissianik kingunerisassanillu naatsorsuinernik saqqummiussisinnaasumik immikkut ilisimasalinnik inuttalimmik pilersitsisoqarnissaaa kissaatigineqarpoq kiisalu politikkut malinnaasussanik pilersitsinissaq kissaatigineqarluni.

Ataatsimiititaliap siunnersuutinik suliarinninner

Ataatsimiititaliap siunnersuutinik suliarinninnerani Siumut allannguutissatut siunnersummik saqqummiussivoq, taannalu ataatsimiititaliami amerlanerussuteqartunit taperserneqarpoq.

Allannguutissatut siunnersuut ima oqaasertaqarpoq:

Namminersorreq pillugu inatsimmi § 21-p atuutsinnejarnissa siunertalarugu ataatsimiitaliamik pilersitseqqullugit aammalu tunngavissanik matuma kinguliani allassimasunik imalimmik nassuaammik naatsumik saqqummiusseqqullugit Naalakkersuisut Inatsisartunit matumuuna peqquneqarput: Aalajangersakkap suliniutiginerani alloriarnerit tamaasa pillugit naatsumik paasissutissiissuteqartarnissaq. Suliniutip ingerlateqqinneqarnissaanut suliakkiut, tassungalu ilanngullugu piffissalersuutaasinnaasut ataatsimiitaliallu katitigaasinnaanera. Inatsimmut tunngaviusussamut missingiutip pigineqareersup suliniummut atatillugu nalilerneqarnera. Kalaallit Nunaata namminiilivinnissa naalagaaffinngornissaalu pillugit innuttaasunik isumasiuilluni taasisitsineq qanoq tunngavissaqaqrlni ingerlanneqarsinnaanersoq pillugu naliliineq. Nassuaat 2024-mi ukiakkut ataatsimiinnerup aallartinnginnerani Inatsisartunut saqqummiunneqassaaq.

Allannguutissatut siunnersuut immikkoortoq 75-imut aamma immikkoortoq 123-mut saqqummiunneqarpoq.

Siunnersuutit aningaasaqarnikkut kingunerisassaat

Aalajangiiffigisassatut siunnersuutip piviusunngortinneqarnerani aningaasaqarnikkut allaffisornikkullu kingunerisassat siunnersuutip tunngavilersuutitaani nassuaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutit piviusunngortinneqarneranni aningaasaqarnikkut kingunerisassat siunnersuutini taakkunani marlunni taamaalilluni allassimasut ataatsimiitaliamit maluginiarneqarpoq.

- UPA2024/75:

Pisortanut aningaasaqarnikkut allaffissornikkullu kingunerisassai:

Ataatsimiitaliamik katiterinissamut tassungalu suliakkiutissamik Naalakkersuisut piareersaallutik aallartinnissaat siunnersummi siunniunneqarpoq. Suliaq tamanna ukiap tungaanut ingerlanneqartussatut naatsorsuutigineqarmat tamatuma kingorna aningaasat pisariaqartinneqartut 2025-mut Aningaasanut inatsit aqqutigalugu nassaarineqarnissaannut Siumut peqataaqataassaaq, taamaalilluni ataatsimiitaliap suliassani ulloq 1. januar 2025-mi aallartissinnaaniassammagu.

Taamaattumik suliamut aningaasaqarnikkut missingersuutinik tutsuiginartunik missingiinissaq maannangaaq ajornakusoorpoq.

Namminersorlutik inuussutissarsiutilinnut aningaasaqarnikkut allaffissornikkullu kingunerisassai:

Soqanngilaq.

Innuttaasunut aningaasaqarnikkut allaffissornikkullu kingunerisassai:

Aningaasat 2025-mut Aningaasanut inatsit aqqutigalugu pissarsiarineqassappata tamanna innuttaasunut sunniuteqarnavianngitsoq Siumumit naatsorsuutigineqarpoq.

- UPA2024/123:

Aningaasaqarnikkut allaffissornikkullu kingunerisassai:

Innuttaasunik taasisitsinerit 2 mio. kr.-it missaannik akeqartarput. Akerlianik Inatsisartunut qinersineq iluatsillugu innuttaasunik aamma taasisitsisoqarpat annertunerusumik aningaasartuuteqartoqassanngilaq.

Naalagaaffinngortoqassagaluarpat Danmarkip ataatsimoortumik tapiissutit ilusilerlugit Kalaallit Nunaannut aningaasaqarnikkut tapiissuteqarnissamut pisussaaffia atorunnaassaaq. Ataatsimoortumik tapiissutit ukumoortumik 4,3 milliarder kr.-it missaannik amerlassuseqarput, Nunatta Karsiata isertitaaasa (2022-mi; 7,6 milliarder kr.-it) affai sinnilaarlugit aammalu Nunatta Karsiata aningaasartuutaasa (2022-mi: 7,5 milliarder kr.-it) affai sinnilaarlugit nalingat. Naalagaaffiup Kalaallit Nunaannut ataatsimoortumik tapiissutaasa saniatigut Kalaallit Nunaanni suliassaqarfii arlallit isumagineqarnerannut naalagaaffik ullumikkut suli aningaasartuuteqartarpoq, tassungalu assersuutigalugu ilaavoq eqqartuussiveqarneq. Naalagaaffinngornermi suliassaqarfinnik taakkuninnga isumaginninnissaq Kalaallit Nunaannit tiguneqarpat taakkununnga aningaasartuutit Kalaallit Nunaannit aamma akilerneqartussanngussapput. 2015-imi aningaasartuutit ukumoortumik 0,6 milliarder kr.-it pallillugit annertussuseqartutut nalilerneqarput. (Ilisimasat malillugit kisitsisit nutaanerit pigineqanngillat).

Namminersorlutik inuussutissarsutilinnut aningaasaqarnikkut allaffissornikkullu kingunerisassai:

Soqanngilaq.

Innuttaasunut aningaasaqarnikkut allaffissornikkullu kingunerisassai:

Soqanngilaq.

Ataatsimiititaliap inassuteqaatai

- **Ataatsimiititaliami amerlanerussuteqartut Inuit Ataqatigiinneersut**
Siumumeersullu immikkoortoq 75-imut aamma immikkoortoq 123-mut allannguutissatut siunnersuut imaattoq saqqummiuppaat:
Namminersorneq pillugu inatsimmi § 21-p atuutsinneqarnissaa siunertaralugu
ataatsimiititaliamik pilersitseqqullugit aammalu tunngavissanik matuma kinguliani
allassimasunik imalimmik nassuaammik naatsumik saqqummiusseqqullugit
Naalakkersuisut Inatsisartunit matumuuna peqquneqarput: Aalajangersakkap
suliniutignerani alloriarnerit tamaasa pillugit naatsumik paassisutissiissuteqartarnissaq.
Suliniutip ingerlateqqinnejarnissaanut suliakkiut, tassungalu ilanngullugu
piffissalersuutaasinnaasut ataatsimiititaliallu katitigaasinnaanera. Inatsimmut

tunngaviusussamut missingiutip pigineqareersup suliniummut atatillugu nalilerneqarnera. Kalaallit Nunaata namminiilivinnissaa naalagaaffinngornissaalu pillugit innuttaasunik isumasiuilluni taasisitsineq qanoq tunngavissaqarluni ingerlanneqarsinnaanersoq pillugu naliliineq. Nassuaat 2024-mi ukiakkut ataatsimiinnerup aallartinnginnerani Inatsisartunut saqqummiunneqassaaq.

Ataatsimiitaliap taama oqaaseqaateqarluni isumaliutissiisummilu allassimasutut paasinnil-luni siunnersuut aappassaaniigassanngortippaa.

Anders Olsen
Siulittaasoq


Mette Arqe-Hammeken

Harald Blanco

Asii Chemnitz Narup

Kuno Fencker